


Literasi Maklumat @UniMAP

Diselaraskan oleh **Md Nizam Azid**
nizam@unimap.edu.my

Bengkel EndNote

Sambutan dan pertanyaan mengenai **Bengkel EndNote** terutama daripada para pelajar dan pensyarah amat menggalakkan. Bagi memenuhi keperluan maklumat



kumpulan berkenaan, **Bengkel EndNote** terus dilaksanakan pada tahun 2008. Sehingga Ogos 2008, sebanyak sembilan sesi bengkel telah dianjurkan yang melibatkan 166 peserta. Dengan kerjasama wakil pusat pengajian, enam dari sembilan sesi yang diadakan adalah melibatkan pelajar-pelajar tahun akhir dari Pusat Pengajian Kejuruteraan Pembuatan dan Pusat Pengajian Kejuruteraan Bahan. Perpustakaan telah mengambil inisiatif melaksanakan bengkel berkenaan di makmal komputer pusat-pusat pengajian bagi menampung lebih ramai peserta. Kepada mereka yang berminat untuk mengetahui lebih lanjut tentang perisian **EndNote** ataupun menyertai **Bengkel EndNote** boleh menghubungi **Unit Runding Maklumat** di talian (04) 979 8601 / 979 8553 atau e-mel kepada rujukan@unimap.edu.my



Orientasi Perpustakaan untuk Pelajar Baru

Sempena kemasukan pelajar baru sesi 2008/2009, Perpustakaan dengan kerjasama Pusat Kemahiran Komunikasi & Keusahawanan (PKKK) dan Institut Matematik Kejuruteraan (IMK) telah menganjurkan **Program Orientasi Perpustakaan** pada 7 hingga 10 Julai 2008. Program ini telah diadakan di dewan-dewan kuliah sekitar Kuala Perlis, Jejawi dan Kubang Gajah.

Kerjasama PKKK dan IMK yang membenarkan pihak Perpustakaan menggunakan sesi kuliah untuk subjek-subjek

yang melibatkan pelajar baru membolehkan program yang diatur berjalan dengan lancar khususnya dalam usaha untuk memastikan jumlah penyertaan yang tinggi.



Program berkenaan bertujuan untuk mendedahkan pelajar tentang koleksi, kemudahan dan perkhidmatan telah berjaya menarik penyertaan seramai 875 orang pelajar baru melalui 28 sesi taklimat. Melalui program ini, para pelajar dilatih mengesan dan membuat pencarian secara efisien untuk mendapatkan sumber maklumat bersesuaian. Selain itu, mereka juga didedahkan tentang sumber elektronik meliputi e-jurnal, e-buku dan e-tesis yang ditawarkan oleh Perpustakaan.

Program yang sama turut dianjurkan kepada pelajar-pelajar baru pengambilan kedua pada 10 Ogos 2008 di **Dewan Keikhlasan**. Seramai 143 orang pelajar telah menyertai enam sesi taklimat pada hari berkenaan.



Program Outreach ke Pusat Pengajian

Perpustakaan UniMAP mengambil langkah proaktif untuk mengunjungi staf akademik dan para pelajar di pusat-pusat pengajian melalui program **Outreach**. Selain menerima kunjungan pengguna di Perpustakaan, para Pustakawan kini bertandang ke pusat pengajian untuk mempromosi perkhidmatan, koleksi, dan kemudahan Perpustakaan.

Melalui program ini peserta didedahkan dengan info terkini mengenai sumber maklumat terbaru khususnya dalam format elektronik yang bersesuaian dengan bidang pengajian di setiap pusat pengajian. Antara sumber maklumat terkini yang diketengahkan adalah pangkalan data **SCOPUS**, **Emerald Management Xtra**, **Bernama Library Infolink Services** dan pendedahan berkaitan perkhidmatan **Pinjaman Antara Perpustakaan (PAP)**. Peserta juga diharapkan dapat menguasai kaedah penggunaan **EndNote** seterusnya memanfaatkan perisian ini dalam menguruskan senarai rujukan atau bibliografi mereka melalui bengkel **EndNote**.

Mulai Julai hingga Ogos 2008 program **Outreach** telah bertandang ke Pusat Kemahiran Komunikasi & Keusahawanan, Pusat Pengajian Kejuruteraan Bioproses, Institut Matematik Kejuruteraan, Pusat Pengajian Kejuruteraan Komputer & Perhubungan dan Pusat Pengajian Kejuruteraan Pembuatan.